


BIBLIOTEKA
Zakł. Nar. im. Ossolińskich

XVI 3432



840



575
ANDREAE TRICESII
EQVITIS POLONI,

SYLVARVM LIBER PRIMVS.

AD REVERENDVM ET VLTIS PRÆCLARIS VIR
TVTIBVS INSIGNEM VIRVM SIMONEM LVGO
VIVM, PRÆPOSITVM MECHOVIENSEM, &c.

Studioforum Patronum Munificum.



AVrea Sauromatū redeunt iam sæcula genti,
Virtutiq; suus restituetur honos,
LVGOVIVS postq; Musarum insignis amator
Altius è terris tollit in astra caput.
Nec dubito quòd adhuc maiora sequentur honorum
Augmenta, & plures copia fundet opes,
Tu modò fortunę Rector mitissime cœli
In melius placida dirige vela manu.

17.468



SYLVA PRIMA
AD REVERENDVM ET MVLTIS
PRÆCLARIS VIRTVTIBVS INSIGNEM VI-
RVM SIMONEM LVGOVIVM, PRÆPOSITVM ME-
CHOVIENSEM, & ceter. STUDIOSORVM PA-
TRONVM MVNIFICVM.

QVod te LVGOVI vultu fortuna benigno
Spectat, & in mundi Pelago tua lenibus auris
Vela ferat, portum donec peducat ad ipsum,
Gratulor ex animo, & votis, precibusq; fatigo
Cœlicolũ Regem, cui rerum summa potestas,
Prospera sic reliquos fata vt comitentur amicos.
Me quia ad exemplum fors infœlicis Vlissœi
Casibus aduersis, varijsq; erroribus actum,
Non finit optatę metam contingere vitę,
Multi fortẽ dolent, sed non minor & tua pungit
Corda dolor, patrio qui me dignaris amore
Nec dubito multis pietas benẽ cognita rebus
Vt mihi sæpe tua est, quod nostra Machaonis instat
Vulnera curabis, varios & pectoris æstus,
Cum facilem fortuna viam nunc pandat, opumq;
Aurea te pleno perfundat copia cornu.
Hoc facit vt LÆscus patrię lux splendida nostrę,
Qui lenes Zephyros imitatur, & æquore vasto
Lactatam in tutos portus subducere puppim
Tentat,

Tentat, & vsq; suam comitari me velit Argo.
Cuius ego laudes cantabo hac vita superstes
Donec erit, magnumq; feram super aethera nomen
Herois nulli duro Mauorte secundi.
Nil humile hic spirans, at semper in ardua tendens,
Si quid habent, vt habent, cœlestia sydera veri,
Lachæus Aesonides erit alter, & alter Achilles.
Scipiade exemplis magno molimine rerum
Barbaricas patrio propellet ab orbe Phalanges,
Et coget iuga dura pati, imperiumq; potentis
Saurōmatū regni: statuit sic arbiter ille
Terrarum Omnipotens, cœliq; Erebiq; profundi.
Te quoq; laus non parua manet pietatis, & huius
In me animi, gratoq; ferens te pectore, vite
Omne meę quod fata dabunt celebrabo per æuū.
Insignem candore virum, diuina sub ipsum
Aethera sublimi quem tollet vertice virtus.
Perge modò, & stabilem conseruans vatis amorem
TRICESII tenues promptè illius assere Musas.



4
SYLVA SECVNDA
DE OBITV VENCESLAI SAMO-
TVLINI, MVSTICORVM IN REGNO
POLONIAE PRINCIPIS;
THRENODIA.

QUe mihi tristes querelas?
Que perennes lachrymas?

Vt fluant torrentis instar
Mœsta Musa conferet?

Nūnias dum VENCESLAI

Fratriis ô suauissimi

Pressus ingenti dolore

Funebrales persequor,

II.

SIC vbi est erepta fato

Chara compar turturi,

Arboris sedens in alta

Ponè flumen consite

Fronde lugubrem sonare

Assolet melodiam.

Vt Nidē ad fluentia tristis

Nunc gemit TRICESIVS.

III.

NEC minus per omne Regnum

REX POLonus quod tenet,

Turba

5
Turba mœsta Musicorum
CYPRiano prauio,
Turba mœsta candidorum
Omnium sodalium,
O dolor, dolor, frequenti
Eiulatu personat.

III.

TEnē lumen Musicorum?
TEnē vates optime?
TEnē nostri VENCellaë
Pectoris pars maxima?
Tam citò ô nimis maligna
Parca nobis eripit?
Pectus heu nostrum prælto
Sauciando vulnere.

V.

Lustra vitę sex, & annos
Quattuor vix egeras,
Vix decem menses amatę
Coiungi conuixeras,
Cum graui premente morbo
Carnis ex ergastulo
Euocatus es supremi
Regis ad consortium.

A in

Tequis

VI.

TE quidem benigna **CHRISTI**

Iam beavit gratia,

Cum dat in cœlis quiete

Sempiterna perfrui,

Nos sodalis, atq; fratris

Iure consuetudine

Flemus orbatî maligno

Mundi in huius carcere.

VII.

Ergo viue, viue cœlo

In verenni gaudio,

Viue tarris desituri

Laude nunquam nominis,

Totus acclamat tuorum

Grege tibi sodalium,

Et tuus confrater ille

Tristis heu **TRICESIVS.**

VIII.

Vatis ad sepulchra iustis

Excubantes iugiter,

Et rosas, benè & fragrantas

Flosculos aspergite,

Et loco sublimiore

Lauream suspendite,

Omnis

Omnis ut vatem viator
Esse noscat optimum

IX.

Omnis ut viator eius
Dum sepulchra præterit,

Dum sepulchra præterit,

Dicat, ô lux Muficorum
Atq; vates optime,

Atq; vates optime,

Viue coelo VENČeslaŕ
In perenni gaudio,

In perenni gaudio,

Viue terris VEN^{ce}lae
In perenni gloria.

In perenni gloria.

SYLVA TERTIA

AD POTENTISSIMVM PRINCE-
PEM SIGISMVNDVM AVGVSTVM POLONIÆ
REGEM, MAGNVM DVCEM LITVANIÆ, & c.
IN EXPEDITIONE LIVONICA;
EXHORTATIO.

ARma viri properate: nocet differre paratis:
Exclamat Gradivus tuans, & signa reuellit,
Liouum tristes furias, mentemq; superbam,
Tempus adest annis memoranda vt clade futuris
Iam reprimas AVGVSTE, tuumq; attollere caelo
Incipias nomen, magnumq; imitère Parentem,
Deiuncto toties qui magnis viribus hoste,

Clara

Clara Trophæa polo statuit frigente sub Vrsæ,
Auspicius diuis: eadem nunc inclyte Princeps
Te sequitur fortuna: Ruunt ecce agmine denso
Sarmatici inuenes, & robustissima mundi
Corpora, gens duri studijs asperrima belli.
Scilicet hoc vasto quaquà patet ille sub orbe
Splendidius nihil est, seu quis pulcherrima spectet
Agmina Husaronum cœlo capita alta ferentium
Celatis rutilo galeis sublimibus auro:
Quis sole aduerso clypeos vt sydera summi
Fulgentes cœli non admiretur? & arma
Tot cataphractorum atq; horrentes ære cateruas,
Sic turmas nigrorum equitum, Brunsvitica rellus
Quales ferre solet, qui magno horrenda fragore
Fulmina sclopetis cœlum iaculantur in altum,
Sic etiam celeres rapidis qui cursibus Euros
Acribus exaquant in equis, diramq; sagittis
Dant mortem, Scythico pugnantes more Kosacos.
Castra videns etiam tot curribus vndiq; cincta,
Vrbem amplam aëris cum turribus esse putabit
Vix aliquis forsan summorum hoc tempore Regum
Par tanto splendore foret, solusq; camelis,
Atq; equitum numero certauerit ille Tyrannus
Turcarum, tot habens ditissima regna, tot vrbes,

Venerit

Venerit vt primū Liuonū rumor ad aures,
Posphoram fines iam te aduentare sub ipsos,
Aspicias subito turbatio quanta sequetur,
Et quā terrifici tota regione tumultus,
Forſitan accurrent illi, finesq; tueri
Tentabunt, ſed eos vt REX AVGuſte repellas
Non opus eſt multos equites laſſare, Koſaci
Sufficiēt regit imperio quos Martius ille
Douoynus, pridemq; in finibus excubat ipſis
Iuſſa tua expectans. At poſt tormenta iubebis
Certatim exonerare, vt magno terra tremiſcat
Hoſtilis ſonitu, cœlumq; remugiat altum.
Mox illi referentq; pedem, trepidiq; nec ipſum
Caſtrorum poterunt conſpectum ferre tuorum,

Tu modò perge bonis auibus: victoria cœlo
Certa aderit: iubet vltices te ſumere pœnas
Criminis admiſſi Nemefis, mentisq; ſuperbæ.
Neu ceſſes, & vulpinis tua pectora verbis
Molliri patiare, cauet: nam quæritur vnum
Hoc illis nunc arte moras vt neſtere poſſint,
Externo careant cū milite, nilq; paratum
Penè ſit, hæc alium quo bella trahantur in annum.
At citiùs tu rumpe moras, occaſio cū ſit
Commoda, & obtineas ius armis: arma tenenti
Omnia dat, qui iuſta negat: Liuonia certè
Hoc anno poterit titulis accedere noſtris,

B

Nam ve-

Nam venient, cum spem nullam superesse videbunt,
Poscentes veniam, FIRSTEMbergerus & ipse,
Quem tu ut cunctorum causam, fontemq; malorum,
Conſicias ſcleratum æterna in vincula: nunquam
Ceſſabunt illa ſiquidem regione tumultus
Hic ſi liber erit: reliquis, clementia toto,
Indulgere poteſ, tua magna ut clareat orbis.

Quis mihi tunc animus? quæ te ducente triumphæ
Gaudia mentis erunt? quando MELECIUS heros
Sublimi cataphractus equo, gentisq; Polonæ
Armipotens belli ſtipendia turba merentium,
Spontè tibi intrabunt oblatæ moenia Rige.
Vna ardens animis acerrima Prutenorum
Gens cum Maſouijs fera bella frementibus ultro
Totq; Palatini, Caſtellaniq; feroci
Martè potens legio: quorum ſi nomina vellem
Dicere, vix claudi magno illa volumine poſſent
Nunc ſat erit nos Ductores memoraffe ſupremos,
Rexerunt LITAVÆ qui ingentia robora gentis.
Quos inter primus, longè & clariffimus ille eſt,
Poſt Regem ARCTOA ſumma in regione poteſtas,
HEROS Magnanimus RADIVILUS, & alter in armis
Fulmineus MAUORS, OLICÆ Dux, Imperiꝝq;
In gremium aſcitus (magna hæc eſt gloria) SACRI
Hunc ſequitur frater mellita Suada, Venusq;
Cuius in ore ſedet, ſed non minus acer in hoſtes.

Conſilio,

Consilio, atq; manu quando Respublica poseit.
Tertius in numero est tuus, o Samogittia præses,
Lux Chodkouiçæ, & sublimis gloria gentis,
Cum nato magnum qui spirat pectore robur,
Pectore sublimi, & spectandus corpore vasto.

Tu tamen antè alios longè pulcherrimus omnes,
Ceum quoddam numen radians splendentibus armis,
Agmine procedes medio, te ponè iuuehtus
Aulica, flos Regni, longè, lateq; cateruq;
Ære coruscantes, gemmisq; auroq; superbe.
Ponè etiam Procures, qui nunc tua castra sequunt
Spontè sua, illustres GORCani, atq; inclyta pubes
Ad vitreum Vartam, camposq; POLonia maior,
Nata tuos. At post FIRLeius acer in armis,
Tuq; decus nostrum TARNoui, & maxima Regni
Post patrem spes Lachiaci, qui laudibus æquat
Antiquos Heroas, & est primo ordine primus.
Nec minùs arguto ingenio, quàm robore præstans
CRETcouius, cum Sluzouio, facundus & ille
Consultus Legum Patriarum SIRACouinus,
Et VOLscus Masouitice laus splendida gentis,
Gostiniq; alter VOLscus qui præsidet arci.
Et RADEiouiùs præsignis, DZIERgouiùsq;
Atq; adeò magni nunc lumina prima Senatus,
Queis sublime Polo caput infert inclyta virtus,
OYGEscus magnus, magnusq; PRERRembius: illis

o illis B ij Pectora

Pectora consilijs fecunda, & maxima vis est
Eloquij, vix vt Cicerone certauerit ipse.
Atq; alij egregij Proceres belloq; togatq;
Quos laudare satis, cœloq; attollere cantu,
Non opis est nostre, cuius de paupere vena
Serpit humi carmen, nec plenis profuit undis
Carminē Vergilij, vel carminē vatis Iberi,
Quo nunc se meritò gens clara Royzia iactat,
Elset opus: nec ob id tamen ipse silebo, tibiq;
Zoilē quod carpas vt sit, cantabo triumphos
Qualicunq; tuos, totumq; ab origine bellum,
Carminē, si fuerit REX Inclyte vita superstes.
Dicar vt argutos interstrepere anser olores.

At postquàm antiquā tu Rige intraueris arcem,
Certatim innumeros lymphato accurrere gressu
Liuones, teq; extensa ceruice stupentes
Mirari tantum Regem, tantoq; videbis
Instructum comitatu, à multis nullus vt annis
Huic sit Christiaco similis conspectus in orbe,
Illis sacra dabis tunc iura, & fœdera pacis
Constitues, iam perpetuos mansura per annos.

Ipse ego lætitiā exultans, vbi videro frustra
FIRSTEMbergerum dura inter vincla frementem,
Da meritas hominum dicam stultissime pœnas,
Ausus es aduersus tantum qui sumere Regem
Arma, Aquilam veluti si fortè lacessero tentet

Crudeli

Crudeli infelix periturus funere Coruus.
Te domito secura potest Lironia belliv
Aeternam pacem sperare à Rege POLonos
Iungere amicitias: vicinos fortiter hostes
Coniuncta superare manu, celebriq; triumpho
Sub iuga Barbaricas iam mittere saeva cateruas.

SYLVA QVARTA
AD ILLVSTREM VIRVM ALBER-
TVM A LASCO COMITEM, TERRARVM MOL-
DAVIE TVM TEMPORIS SVPREMVVM EXERCI-
TVVM DVCEM, ET ARCIS CHOCIMI PRÆ-
FECTVM DIGNISSIMVM.

LASCE tuam quoties celsam consydero mentē,
Virtutesq; animo ritè reuoluo tuas,
Maiorem magno te iudico Patre futurum,
Quamuis non habuit nuper & ille parem.
Dent modò clementes superi foelicia vitę
Sydera, perpetuo quę tua vela regant.
Hoc alios video mecum sentire POLonos,
Pectora qui niueo tincta colore ferunt,
Et rectè expendunt tua sub iuuenilibus annis,
Aetatem præter, fortia facta, tuam.
Idq; etiā haud dubiè probat inclytus HERaclides,
Ditia Moldavię qui modò sceptrum tenet,
Teq; sibi a seivnit fidum prudenter Achatem,
Cuius ALEXandri castra fugavit ope.

B in

Nunc ipse



Nunc ipse expulso regnat sceleriter hoste,
Euehit ad summum sic Deus ipse suos,
Præter spes hominum, magnoque insignit honore,
Et fama, nunquam quæ moritura viget.
Quippè manu parua populos superare feroces,
Et facere imperio deinde subesse suo,
Præsertim bellis asuetos semper, & armis,
Ardua res magnis Regibus antè fuit.
Atque ideo viuet Samiorum gloria gentis
Princeps, cui nomen Gratia Dia dedit.
Viuet, & æterno tecum memorabitur æuo,
Donec erunt rapidi cana fluenta Tyre
Fabula quin etiam vulgi, ferus ille tyrannus,
Qui misero pressit subdita cola iugo,
Totque suos nigrum sine causa misit ad orcum,
Et tulit afflictæ plebis avarus opes.
Sed dedit hæc meritas superis violentia pœnas,
Nunc mendicaro pascitur ille cibo,
Suspiratque fremens, in mentem ubi venerit illi,
Hostem te Chocimo præposuisse suum,
Et tua quod meruit præstans heroica virtus,
Quod te fratris habet ille, colitque loco.
Et fecit ditio quâ nunc patet illius ampla,
Militiæ primum totius esse Ducem,
Arbitrioque suo gentem sternare superbam,
Cum belli inimicis tempus adesse solet.

Rarus

Rarus honos, rarumq; decus, sed rariùs ista
Nihil virtute tua gens quoq; nostra tulit.
Hinc quicumq; decus virtutum, hoc grande tuarū,
Cernit, an immerito sic stupefactus ait?
Quando Dei nutu sint totum clara per orbem,
Hæc tyrocinū bellica facta tui,
LASCE tibi similem vix postera proferet ætas,
Quingens patrię sydus, honosq; tug.
Sis igitur fœlix bello, dextramq; potentem
Sentiat hostilis barbara turba tuam.
Sis etiam fœlix, vbi sacrę tempora pacis
Tranquillos facient viuere posse dies.

SYLVA QVINTA
AD DEVM OPT. MAX. ADVER-
SVS MOSCORVM TYRANNVM PRECATIO.

O Qui supernas omnipotens domos,
Terreq; tractus, & mare temperas
Cuiusq; nutus inferorum
Terrificę reuerentur vmbre.
Si te proteruę plena superbię
Authote pcenas mens miserabiles
Æuo dat omni, siue cœlo,
Seu miseris furiata terris,
Cur Moscus ipsos erigit ad polos
Impunę cristas? per vetitum ruens
Nefas, &

Nefas, & infantes fatigat
Cædibus, omnigenaq; clade?

Nec cernit illos qui manet exitus,
Iniusta bella qui temerario
Ausu inferunt, & nil verentur
Te scelerum Deus alme vindex.

Sennacheribi militiæ duces,
Tristes ruinas dum Solymis parant,
Regemq; te iactant in ipsum
Cœlicolum furiosa verba.

Scelus luerunt exitio graui,
Delapsus alto, myriades necat
Noctem per vnâ Barbarorum,
Octodecim, violentus vltor.

Sic Holofernes impius occidit,
Caput reuulsum fœminea manu
Muris pependit Bethuliæ:
Et simul occubuere mulcæ

Fusæ phalanges Assyrii ducis:
Atq; indè summis libera gaudijs
Hebræa gens egit triumphos.
Sic etiam truculentus ille

Vastator orbis, dum superum decus
Transferret in se Nabuchodonosor,
Seq; insolenter conditorem
Affereret Babylonis almæ

Deiectus

Deiectus alto nobilis imperi
Gradu, ferarum lustra per auia
Captus pererrat mente, carpens
Ore rudes bouis instar herbas,

Casu scelestus consimili ruat
Mosce tyrannus gentis, & aspera
Tandem quiescant in potenti
Sauromatū regione bella.

SYLVA SEXTA
AD MAGNIFICVM ET EXCEL-
LENTEM VIRTUTE VIRVM, DOMINVM STANI-
SLAVM, SPLAVIVM, CASTELLANVM
CRIVINENSEM; & ceter.

Vlue felici generose fato
SPLAui, & æterno tua LVNA & ASTRVM
Stemma præclarum generis paterni
Splendeat igne.

Ignem virtutum rutilo coruscans
Est ferax semper genus hoc potentium
Pacis, & belli studijs Polono
Orbe virorum.

Tu quoque haud cessas, domus ut paterna
Non modo magnis opibus paratis,
Laude sed vera sit ut illa per te
Auctior omni.

C

Hinc es

Hinc es amplexus sacra literarum,
Et faues doctis, & opem benignam
His ferens, castis peramantia præbes

Ocia Musis

En tui LEGES studio, atq; cura
Nosse, Ciuiles, poterit GROhici
Nostra semotis salebris iuuentus

Ordine certo

Perdet harpyas ea res forenses,

Planum iter cuius siquidem patebit

Iuris ad cunctos apices fideli

Mente tenendos,

Iuris hinc quisq; & studiosus æqui

Te feret nostrum meritis per orbem

Laudibus, foelix recinens benigne

Vivito SPLAVI.

SYLVA SEPTIMA DE PRAECLARIS DECIORVM

FAMILIÆ INSIGNIBVS.

Florate vera DECI propago

Laude virtutum, similesq; nullo

Ferre præstanti ingenio nepotes

Desinat æuo.

Prodiit sacri Imperij vetustum

Hoc genus nostris gremio sub annis,

Et suas

Et suas sedes Lachie potentis

marginat mago & Fixit in orbe.

Seq: Regali obsequijs in Aula

Tradidit, magnam meruitq: laudem

Munus à Rege impositum fideli

pectore curans.

Ac licet priscum sat erat parentum

STEMMA FALX vites resecans recurua,

Hoc genus monstrans vitis resectam

Ducere vitam.

Huic tamen præstans meritum, fauorq:

Addidit iunctas AQVILIS BIPennes,

Queis domus scelix clypeos perornat

TENCiniorum.

At Dei nutu esse datas videmus,

Denotant mentem siquidem sagacem

Istius gentis, variasq: fausto

Sydere dotes.

MV Quippè sublimes AQVILAE sub auras

Vt volant, sic his etiam alta mens est.

Non humi serpunt, sed in astra magno

Impete tendunt.

Robur at duras animi BIPennes

Aequat, & veri studium, quod vno

Quamlibet falsi intrepidè Chimæram

Denicit ictu.

can: 11

C n

Sit Deo

Sit Deo foelix igitur fauente
Ista virtutis studiosa verę
Gens, & illius moritura nunquam
Gloria crescat.

SYLVA OCTAVA
ADVERSVS OBSCOENA CV-
IVSDAM TENEBRIONIS CONTRA PE-
TRVM ROYZIVM CARMINA.

QVisquis es, innocui crudeli carmine vatis
Ausus es egregiam nuper qui rodere famam,
Non ego te video verę pietatis amore,
Irarum at furijs, solaq; libidine ferri.
Ut maledicendi, sic illa obscœna vomendi
Verba, piorum aures quę lædere cernis honestas,
Defendi taline putas ratione Lutherum?
Tàm dirum vesane nefas si impingere falso
Illi ausis? cuius vel toti cognita mundo
Vita sat est, Rex ipse, & Regis quisquis in aula
Nunc viuit, summo semper dignantur honore
Insignem virtute virum, gentisq; POLonę,
Ingenij monumenta sui, vt testantur, amicum,
Crimine quod si etiam tanto peccasset & ille,
Iamne ideo in lucem proferre, & tradere scriptis
Hęc decuit? pietas, & amor num talia suadet
Christiacus? tali num mansuetudine sanctum

Ad Domi-

Ad Domini errantes homines reuocantur ouile?
Progeniem, at dices, serpentium, alboq; sepulcra
Tincta colore, vocat Phariseos, atq; minatur
Vē dirum Christus? sed non adscripserat idem
Immeritò hoc illis, nam veri est autor, & ipsum,
In quo consistunt vt cernimus omnia, verum.
Idē verecundo fecit sermone, Priapi
Nulla ibi naturę quę sint contraria nostrę,
Sacra audis, quorumq; animus meminisse pudicus
Exhorret: Tales non diligit ille magistros
Qui castus vult casta, & mitis mītia, sacrum
Illius os, nostro ne quicquā profluat ore
Imperat, ad frugem quod non sit, & afferat orbi
E tot flagitijs aliqua ratione salutem,
Aspice quā blandē inuitat, quā corrigit, illos
Qui peccant, Christus mundi Saluator, eadem
Vult etiam ratione suos errantia corda
Flectere, directumq; ad iter reuocare salutis.
Non amat hic rabulas, & tristi tincta veneno
Ora, bonum fuluo nomen preciosius auro
Immeritò alterius qui lādere tentat, haberi
Iurē homicida potest, & morte, aut carcere dignus.
Te quoq; quā melius fuerat tacuisse, vel illos
Discere, quos nescis, vt te insulsissima produnt
Carmina, Grammaticos canonas, & subdere dextram
Irati ferule ob tot fæda errata magistri

Id verò facias, si consultoribus vti
Vis illis, qui recta monent, & Pythagorum
taciturnus ages, persapè tacendo
Sit quamuis stultus sapiens tamen esse putatur.
At præter meritum quod sic laceraueris vltro,
Musarum prædulce decus, tantumq; Polonę
Gentis amatorem, tali medicarier arte
Huic opus est te flagitio, medicatus vt olim est
Luminibus captis, pulchram damnare Lacinaam
Ausus Stesichorus rabioso carmine vates.
At velut ille nihil famę violauit honorem
Carmine mendaci, sic te violasse Royzi
Insignem vatis mendaci carmine famam
Nulla ex parte putes, viget hæc, semperq; vigebit
Dum Tagus auriferis diues flauescet arenis,
Et maris Occidui rapidissimus influet vndas,
Ad quem natus hic est foelici sydere vates,
Qui socium Celtis dat Iberi nomen, Iberus.

SYLVA NONA
AD AMPLISSIMVM VIRVM PE-
TRVM MISCOVIVM, REGNI POLONIÆ
PROCANCELLARIVM;

I Bimus antiquam Græcorum gentis in urbem
Quę Constantini nobile nomen habet.
Quin etiam

Quin etiam primas Asię peragrabimus vrbes
Magnus vbi imperiũ nunc Solymanus habet.
At quia longinquum est iter hoc, & plena periclis
Omnia sunt terra non minus atq; mari,
Sydereum votis, precibusq; vrgemus Olympum,
In patriam vt saluos fata redire sinant.
REGIS & AVGUSTI felicia sceptrā tueri
E domita rabie Mosce superbe tua.
Et magnum Regni cum nobilitate Senatum,
Quā penes in nostra est Lachide primus honor.
Te verò inprimis Regali sydus in aula,
Attica mella sacro cuius ab ore fluunt.
Qui veteres illos magnis virtutibus æquas
Romuleos, mundi lumina prima, Patres.
Hinc meritò patrię sancto qui feruet amore
A superis optat prospera quæq; tibi.
Optat & ingenuas quicunq; fideliter artes
Excolit, & Musis debita sacra facit.
Ipse ego me vasti partem quamcunq; per orbis
Fata ferent, rebus non satis æqua meis,
Sapè tuas memori virtutes mente reuoluens,
MISCOVI dicam, Viue, valeq; diu.
Viue, valeq; diu nostri memor, & tua cœlo
Vota feras summi plena fauore Dei.
Serus vt æternos superũ ingrediare penates
Incolumi patria, Sauromatisq; tuis.

SYLVA DECIMA
HYMNVS SPEI, FIDEI, ET CHARITATIS, IN NVPTIIS NOBILITATE ET VIR-
TVTE PRÆSTANTIS VIRI, DOMINI IOANNIS
SELMICII CANDIDI, ET ANNÆ CONSORTIS
EIVSDEM CHARISSIMÆ.

PARANYMPHV.S.

EIA nunc latus triumphus

Gaudijs solennibus,

Quilibet Musis amicus.

Candidorum quilibet,

Nomen à Candore Ianus

Qui gerit SELmicius

Iam maritali capistro

Ora sacra porrigite

II.

En chorus cœlo Deorum

Venerandus aduenit,

Inter illas tres sorores,

Spes, Fides, & Charitas

Nuptijs noui mariti

Lata cantant omnia

Certus euentus sed illa

Subsequetur omnia.

Spes.

S P E S.

In Deo quicunq; totam
Firmiter spem collocat;
Hunc Dei clemens potentis
Cura nunquam deserit,
Quæq; sperat obtinebit
Sponsus ut beatus hic,
Et thoro semper pudico,
Et fruatur liberis.

F I D E S.

Anna forma, castitate,
Et probatis moribus,
Inter huius CRACouinæ
Ciuitatis nobiles
Fœminas secunda nulli,
Gaudeat fidens Deo,
Nacta quod fidum maritum
Prospera sit alite

C H A R I T A S.

Iungat æternis pudicus
Vos amor iam nexibus,
Detis ut thori subinde
Grata sancti pignora,
Et sit impedita nullis
Vita sic molestijs.

Id DEVS vobis benignè
Ille summus annuit.

Sylua

SYLVA VNDECIMA
DE HARMONIS MUSICIS LA-
MENTATIONVM HIEREMIÆ PROPHETÆ, A
VENCESLAO SAMOTVLINO
COMPOSITIS.

Hæc rerum facies nunc est studiosa iuuentus,
Vt lachrymis nullus debeat esse modus.
Nam quocunq; oculos conuerteris, omnia luctus
Omnia solliciti plena doloris habes.
Seu cœlum, seu tu terrarum aspexeris orbem,
Et cœlo, & terris causa doloris inest.
Quàm sæpè obscura tegitur caligine Phœbus,
Lumine quam Phœbe sæpè sit orba suo.
Quàm sæpè, vt raccam criniti syderis ignes,
Prodigia aërijs visa fuere plagis,
Sanguineę pignantium acies, sæuoq; tumultu
Feruere Alstrigeri climata celsa poli.
At terris cœlo subiectis nonne videmus
Quàm miscentur ad hunc omnia penè modū:
Afflicti peste, atq; fame ciuilibus armis
In sua grassantur viscera Christiade.
Turcarum intereà miseranda clade Tyrannus
Pannonicos latè depopulatur agros.
Succumbunt iam belligerę fortissima gentis
Robora, sed nec opem qui ferat ullus adest.
Nullus adest, qui grassantem crudeliter hostem
Imperij primas reprimat ante fores.

Vicinas tam dira tenet fœcundia gentes,
Nec similis terret causa propinqua mali.
Ergo bonę mentes, & quas Epicurea nondum
Inficit occiduo, pestis, in orbe frequens,
Quid faciant aliud? nisi tristes tempore tali
Quo nullum, fermè tristius esse potest
Christiaci plorent populi miserabile fatum,
Quem grauius læsi numinis ira premit.
Tu quoq; non alia motus ratione fuisti,
Maxima pars animę VENCesilæ meę,
Helciadę planctus, & lamentabile vatis
Cum faceres tristes carmen habere modos.
Materies certè, cum sis pietatis amator,
Aprior ingenio non fuit vlla tuo.
Quilibet ergo tui similis, qui pectore toto
Christiaci populi tristia damna dolet.
Hæc placido accipiet lugubria carmina vultu,
Atq; gemens tecum supplice voce peter,
Mitiget vt scelerum Domini clementia pœnam,
Extremumq; diu nolit abesse diem.



CRACOVIAE.


In Officina STANISLAI SCHARFFEN
BERGII. Anno Domini, 1568.
Mense IANVARIO.

2010) 2010) 2010) 2010) 2010)

THE
LIBRARY
OF THE
AMERICAN
MUSEUM OF
NATURAL HISTORY
68th Street
New York City



THE
LIBRARY
OF THE
AMERICAN
MUSEUM OF
NATURAL HISTORY
68th Street
New York City



6442
8

